



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vindex Libertatis Ecclesiasticae || Et Martyr || S.
Engelbertvs || Archiepiscopus Co-||loniensiſ Princeps ||
Elector, &c.**

Gelenius, Aegidius

Coloniae Agrippinae, 1633

Caput Primum. In quo de Etymologia nominis eius paucula. &c.

urn:nbn:de:hbz:466:1-9728

Cæsarius
anno 1227.
scripsit vi-
tam S. En-
gelberti.
Cæsarius
anno 1237.
scripsit mi-
racula S.
Engelber-
ti.
Partitio
Historiæ
de S. En-
gelberto.
Stylus Cæ-
sarij.

Recenset in hac Epistola *numero XIX.* hos tres de actibus, **A**
passione, & miraculis Sancti ENGELBERTI: quorum prio-
res duos à se Anno salutis 1226. & 1227. conscriptos ipse in
diuersis locis satis innuit: tertium vero non nisi 1237. absol-
uisse *lib. 3. cap. 74.* docet.

Porro ita partitus est Cæsarius hos libros, vt primo SAN-
CTI ENGELBERTI natales, corporis animiq; dotes, & reli-
quam vitam encomiastico dicendi genere explicet. Secun-
do occasionem Martyrij, passionē ipsam cum circumstantijs, **B**
& pœnam quæ Sancti nostri occisores necisq; eius conscios
manerit, cum nōnullis miraculis enarret. Tertium demum,
soli miraculorum insigniorum tribuit enarrationi. Stylus
Cæsarij vbiq; planus est & materiæ satis conueniens quem
ramen Surius in duobus prioribus hinc inde modice corre-
xerit, tertium Surius in compendium redegit. Cæterum ipse
Cæsarius styli sui rationem in præfatione reddit.

LIBER VITÆ **C**
SANCTI ENGELBERTI
PRIMVS.
Caput Primum.

In quo de Etymologia nominis eius pauca. &c.



D honorem Dei Patris, & Filij eius Iesu Christi, Domini ac **D**
Saluatoris nostri, & sanctæ matris Ecclesiæ: actus, passio-
nem & virtutes Preciosi Martyris & Archipræsulis nostri
ENGELBERTI descripturus, gratiam inuoco Spiritus san-
cti: vt qui iam positus super candelabrum, fulgore miracu-
lorum lucet in domo Dei, & in Ecclesia specialius beati Petri Apostoli,
styli mei ministerio vtcunque valeat illustrari, & ad posterorum noti-
tiam vtiliter declarari. Videtur mihi in primis Antistitis nostri vocabu-
lum, quoddam futuræ beatitudinis eius fuisse prælagium. Ex Teutoni-

Aco enim Latinoque compositum, Angelicam sonat libertatem, significans, ENGELBERTVM de iugo peccatorum per mortis necessitatem ad Angelicam migraturum libertatem. Si Deus à nobis mirabilis prædicatur in sanctis suis antiquis, multo magis mirabilem se ostendit in nouo martyre, & tali martyre diebus his nouissimis, eò quod miraculorum tempora modò non sint, vt quidã ait: Rara auis in terris, sanctitas huius temporis. Et ideò miracula crebra, quæ de Patre nostro videmus & audimus, & per ipsius merita fieri credimus, tanto nobis debent esse gratiora, quanto propter tempus rariora. Sanctitatem, quæ vitæ defuit, mors preciosa suppleuit: & si minus perfectus in conuersatione, sanctus tamen effectus est in passione. Consummatus in breui, expleuit tempora multa, placita enim erat Deo anima illius. Nam placēs Deo æterna prædestinatione, factus est dilectus in passione. Quis enim sanctitati eius contradicat, quem cordium cognitor, & meritorum ponderator Dominus, signis tam varijs mirificat? Non qui seipsum commendat, vt ait Apostolus, ille probatus est: sed quem Deus commendat, ille probatus est.


Etymologia nominis Engelberti.

Psalm. 67.

Sap. 4.

2. Cor. 10.

Notatio ad Caput primum.

C æsarius nomen S. ENGELBERTI ex germanico & latino componens, Anglicam libertatem interpretatur: antiquarij Angelicum filium, vel Angelis dignum dicerent: bert enim vel brecht & beren/olim prolem & parere, & werdt dignum significabant. Sic Hildebertus seu Childebertus ex origine Germanicã deriuando, Huldwerdt obsequio dignus, vel obsequiosa proles dicitur: Cheribertus seu Heribertus, chr werdt/filius honoris, vel honore dignus: Dagubertus, Dagswerdt/die dignus, vel diei filius: Philibertus, Vielwerdt/multum dignus, vel multiplicata proles: Albertus, Allwerdt/omnibus dignus omnisve proles; secundum etymologiam explicantur.

Caput Secundum.

In quo de sancti nostri parentela, forma corporis, & Fortuna bonis in aetate iuuenili & de recusato Episcopatu Monasteriensi, &c.

VIDE-